

Արձանագրություն

«ՍԵՆԴ ՈՐԼԴ» ՍՊԸ-ի կողմից ներկայացված ՀՀ Արարատի մարզի Վեդի համայնքի Լուսառատի ավազի հանքավայրի շահագործման ընդլայնման նախագծի աշխատանքների՝ շրջակա միջավայրի վրա ազդեցության գնահատման հաշվետվության վերաբերյալ հանրային քննարկում /2-րդ լսում/

գ. Լուսառատ

29.05.2024թ.

2024 թվականի մայիսի 21-ին, ժամը 12:00-ին «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի /21.06.2014թ. ՀՕ-110-Ն/ և ՀՀ կառավարության 19.11.2014թ. N 1325-Ն որոշման հավելվածի համաձայն, ՀՀ Արարատի մարզի Վեդի համայնքի Լուսառատ բնակավայրի ղեկավարի նստավայրում (գ.Լուսառատ ,Գևորգ Չաուշի 43) տեղի ունեցավ «ՍԵՆԴ ՈՐԼԴ» ՍՊԸ-ի (այսուհետ նաև՝ Ընկերություն) կողմից ներկայացված ՀՀ Արարատի մարզի Վեդի համայնքի Լուսառատի ավազի հանքի շահագործման ընդլայնման նախագծի աշխատանքների շրջակա միջավայրի վրա ազդեցության նախնական գնահատման հայտի վերաբերյալ հանրային քննարկում (2-րդ լսում):

Հանրային քննարկմանը մասնակցում էին Վեդու համայնքապետարանի աշխատակազմի Գյուղատնտեսության և բնապահպանության բաժնի պետ՝ Շ. Բաքոյանը, համայնքապետարանի աշխատակազմի ստորաբաժանումների ներկայացուցիչներ, Լուսառատ բնակավայրի վարչական ղեկավար՝ Ս. Ֆարֆարյանը և բնակիչներ, «ՍԵՆԴ ՈՐԼԴ» ՍՊԸ –ի տնօրեն՝ Կ. Սարգսյանը և մի շարք աշխատակիցներ, ներկայացուցիչներ, և փորձագետ՝ Ա. Ծատուրյանը, ինչպես նաև <<Շրջակա միջավայրի վրա ազդեցության փորձաքննական կենտրոն >> ՊՈԱԿ-ի փոխտնօրեն՝ Հերիքնազ Մկրտչյանը, փորձագետներ՝ Նելլի Նասիբյանը և Էլեն Մկրտչյանը, (մասնակիցների ամբողջական ցանկը կցվում է արձանագրությանը):

Վեդու համայնքապետարանի աշխատակազմի Գյուղատնտեսության և բնապահպանության բաժնի պետ՝ Շ. Բաքոյանը հայտարարեց հանրային լսումների վերաբերյալ պաշտոնական տեղեկատվությունը և ներկայացրեց, որ համայնքապետարանի կողմից պատասխանատու ներկայացուցիչ է նշանակվել Գյուղատնտեսության և բնապահպանության բաժնի պետ՝ Շ. Բաքոյանը:

Այնուհետ խոսքը փոխանցվեց բնապահպանական անկախ փորձագետ՝ Ա. Ծատուրյանին, վերջինս ներկայացրեց «ՍԵՆԴ ՈՐԼԴ» ՍՊԸ-ի Լուսառատի ավազի հանքի շահագործման ընդլայնման նախագծի աշխատանքների իրականացման ծրագիրը և ծրագրի նպատակները:

Այնուհետ խոսքը փոխանցվեց բնապահպանական փորձագետ՝ Նելլի Նասիրյանին , վերջինս հանդես եկավ հաշվետվությամբ:

Այնուհետ խոսքը փոխանցվեց <<ՇՄԱԳ>> ՊՈԱԿ-ի փոխտնօրեն՝ Հերիքնազ Մկրտչյանին, վերջինիս խոսքը նվիրված էր

1. Օրենսդրությանը.
2. Ափապաշտպան միջոցառումներին .
3. Բնապահպանական ոլորտում՝ կարմիր գրքում ներառված բուսատեսակներին :

Հաջորդիվ խոսքով հանդես եկավ անկախ փորձագետ՝ Ա. Ծատուրյանը, վերջինս պատասխանեց բարձրացված հարցերին, որը բավարարեց ներկաներին:

Հարց ուղղեց փորձագետ Ն. Նասիրյանը՝

1. Բացահանքի հեռավորությունը ափից:

Պատասխանեց անկախ փորձագետ՝ Ա. Ծատուրյանը , մանրամասն կներկայացվի հաջորդ հաշվետվությանը , հանքի հեռավորությունը ափից մոտ 20.0 մետր է:

Հարց ուղղեց աշխատակազմի Գյուղատնտեսության և բնապահպանության բաժնի գլխավոր մասնագետ՝ Վ. Ծատուրյանը

1. Բացահանքը վերականգնվող է արդյոք ,թե ոչ:

Պատասխանեց անկախ փորձագետ՝ Ա. Ծատուրյանը, այո վերականգնվող է բացահանքը:

Հարց ուղղեց <<ՇՄԱԳ>> ՊՈԱԿ-ի փոխտնօրեն՝ Հ. Մկրտչյանը,

1. <<Արև Սյուզի>> ՍՊ ընկերությունը արդյոք շարունակում է շահագործել հարևանությամբ հանքավայրը, թե ոչ:

2. Որքան տարածք է զբաղեցնելու բացահանքը:

Պատասխանեց << ՍԵՆԴ ՈՐԼԴ >> ՍՊԸ –ի տնօրեն՝ Կ. Սարգսյանը և անկախ փորձագետ՝ Ա. Ծատուրյանը, <<Արև Սյուզի>> ՍՊ ընկերությունը չի գործում, լուծարվել է, իսկ ավազանային կառուցելու հարցում, իրենք արդյունահանելու են բավականին հեռու:

Վեդու համայնքապետարանի աշխատակազմի ներկայացուցիչ՝ Շ. Բաքոյանը իր խոսքում գոհունակություն հայտնեց «ՍԵՆԴ ՈՐԼԴ» ՍՊԸ-ի մասին, համայնքի հետ հաջող համագործակցության համար, մասնավորապես Լուսառատ բնակավայրի բնակիչներին ընկերության կողմից տրամադրվել է ավազ՝ անվճար կամ զեղծված գներով, ինչպես նաև ընկերությունը իր ունեցած միջոցների սահմաններում կաջակցի բնակավայրի ճանապարհների բարեկարգման աշխատանքներին՝ հատկապես հանք գնացող ճանապարհին առկա կամրջի բարեկարգման:

Նախագահողը հարցրեց, թե արդյո՞ք ազդակիր Վեդի համայնքի բնակիչների կողմից կան հարցեր, թե՞ ոչ: Հաշվի առնելով լսարանի դիրքորոշումը՝ հայտարարեց լսման ավարտ:

Ամփոփելով հանրային քննարկման արդյունքները, համայնքի դրական արձագանքը, ազդակիր Վեդի համայնքի ներկայացուցիչները հավանություն են տալիս «ՍԵՆԴ ՈՐԼԴ» ՍՊԸ-ի կողմից նախատեսվող ՀՀ Արարատի մարզի Վեդի համայնքի Լուսառատի ավազի հանքի շահագործման ընդլայնման նախագծի աշխատանքներին, հաշվի առնելով համայնքապետարանի հետևյալ առաջարկությունները.

1. Սոցիալական ներդրումների չափը հստակեցնելու դեպքում հաշվի առնել, այն հանգամանքը, որ Վեդի համայնքը ունի 18 գյուղական և 1 քաղաքային բնակավայր:
2. Նախատեսվող գործունեությունում 70% աշխատատեղերը տրամադրել ազդակիր Վեդի համայնքի բնակիչներին, հաշվի առնելով վերջիններիս 3 /երեք/ տարվա հաշվառում և անշարժ գույք ունենալու հանգամանքը:
3. Կանաչապատման բնագավառում իրականացնել փոշեպաշտպան միաշերտ ծառատունկ:

4. Սահմանափակել և վերահսկել բեռնատար մեքենաների գերբեռնվածությունը՝ ըստ տեխնիկական վկայականի:

Կից ներկայացվում է մասնակիցների ցանկը՝ 1 թերթ և հանրային քննարկումների էլեկտրոնային կրիչը:

Քննարկումների պատասխանատու՝

ՀՀ Արարատի մարզի

Վեդի համայնքի ղեկավար՝

Ձեռնարկող՝ «ՍԵՆԴ ՈՐԼԴ» ՍՊԸ -ի տնօրեն՝

Պատասխանատու՝

Արձանագրող՝



/ Գ. Սարգսյան

/ Կ. Սահակյան

Շ. Բաքոյան

Ս. Կարապետյան

